

Tafsiira Suuratu Yuusuf-Kutaa 24

Description

Kutaa darbe keessatti Yuusuf eenyummaa isaa obboleeyyan isaatiif erga ibsee booda badii waggaa dheeraa dura isatti raawwatan akka irra darbeef ilaalle jirra. Harâ™as itti fufuun kutaa hafee ni ilaalla. Obboleeyyan isaa haalo (gadoo) akka hin baafanne inumaa akka isaaniif dhiifama godhe erga mirkaneeffatanii booda Yuusuf akkana isaaniin jedhe:

أَذْهَبُوا بِقَمِيصِي هَذَا فَأَلْقُوهُ عَلَىٰ وَجْهِ أَبِي يَأْتِ بَصِيرًا
وَأَتُونِي بِأَهْلِكُمْ أَجْمَعِينَ ﴿٩٣﴾

âœShaamizi kiyya kanaan deemaatii fuula abbaa kiyyaa irratti darbaa, inni kan argu taâ™aati. Maatii keessan hundaanis natti koottaa.â€• [Suuratu Yuusuf 12:93]

Kana jechuun Yaa obboleeyyan kiyya shaamizi kiyya kana fuudhaa gara abbaa kiyyaa deemaan. Ergasii fuula isaa irratti darbaa. Argituun (ijji) isaa sababa gaddaatiin erga dadhabdee booda haala guutuun ni deebitiif. Nabii Yaâ™quub sababa Yuusuf fuula isaa duraa dhabameef garmalee kan gaddu ture. Garmalee gadduu fi booyu irraa kan kaâ™e ijji isaa lamaan ni jaamte. Kanaafu, Yuusuf obboleeyyan isaatiin âœfuula isaa irratti shaamizi kiyya darbaa, ijji isaa akkuma duraanii sirritti tan argitu taati.â€• jedheen.

Ergasii rakkoo keessaa bahanii Misir keessa jireenya mijaaâ™innaa akka jiraataniif â™maatii keessan hunda fidaatii natti koottaaâ™ jedheen.

وَلَمَّا فَصَلَتِ الْعِيرُ قَالَ أَبُوهُمْ إِنِّي لَأَجِدُ رِيحَ يُوسُفَ
لَوْلَا أَن تَفِنْدُونِ ﴿٩٤﴾

Yommuu gareen daldaltootaa [Misirin] gadi furanii bahan, abbaan isaanii ni jedhe, âœDhugumatti ani fooli Yuusufi argachaa jira, osoo isin totorraâ™aadha nan jechuu baattani.â€• [Suuratu Yuusuf 12:94]

Kana jechuun yommuu gaalonni obboleeyyan Yuusuf fi kanneen biroo kan meeshaa baadhatan Misiriin gadi furanii bahan, abbaan isaanii akkana jedhe: dhugumatti ani fooli Yuusuf fuunfachaa jira. Osoo isin â™ati jaarsa sammuun dadhabaa totorraâ™uudha.â™ nan jechuu baattanii, silaa na dhugoomsitu.

A°iru- jechuun garee gaalotaa ykn harroota ykn gaangewwanii feâ€™™aa baadhataniiti. Asitti wanti barbaadame abbooti gaalotaati. Kana jechuun daldaltoota.

Yaâ€™™quub (aleyh salaam) maatii isa bira jiruun jecha kana jedhe. Maatiin kunis ilmaan ilmaan isaatii fi haadholee manaa isaaniti. Deebiin maatii kana kan armaan gadi ture:

قَالُوا تَأْتِيكَ لَفِي ضَلَالٍ كَدِيمٍ ﴿٩٥﴾

Isaanis ni jedhan, â€œRabbitti kakanne, dhugumatti ati dogongora kee duraanii keessa jirta.â€•
[Suuratu Yuusuf 12:95]

Akkuma jalqaba suurah keessatti ilmaan isaa kurnan akkana jedhanii turan: **Dhugumatti, osoo nuti garee taanee jirru, dhugumatti Yuusufii fi obboleessi isaa nu caalaa abbaa keenya biratti jaallatamoodha. Dhugumatti abbaan keenya dogongora ifa bahaa keessa jira.â€•**, ijoolleen ilmaan Yaâ€™™quubis wantuma wal fakkaatu jedhan.

Tarii ilmaan obboleeyyan Yuusuf jecha isaanii kana dhagahuun isaanii hin oolu. Kunis sammuu isaanii keessatti hafe. Yommuu akaakayyuun isaanii â€œ**Dhugumatti ani fooli Yuusufi argachaa jira, osoo isin totorraâ€™™aadha nan jechuu baattani.â€•** Jedhu dhagahan, isaanii akkana jedhaniin, â€œ**Rabbitti kakanne, dhugumatti ati dogongora kee duraanii keessa jirta.â€•** Kana jechuun Dhugumatti Rabbiin kakanne, Yuusufi fi obboleessaa isaa ilmaan kee biroo irra caalchisuu hin dhiisne. Akkasumas, Yuusufin yaadachuu fi isaan wal-qunnamuuf dharraâ€™™uu hin dhiisne. Kuni karaa haqaa keessaa bahuudha.[\[1\]](#)

Yuusufin yaadachuu fi isaan wal-qunnamuuf dharraâ€™™uu dogongora kan jedhaniif, isaan Yuusuf akka duâ€™™eetti yaadu. Dogongora jechuun wanta sirrii hojjachuu ykn yaadu dhiisudha. Kanaafu, isaan â€œYuusuf duâ€™™ee jira. Kanaafu, akkamitti addunyaa tana keessatti wal qunnamna jettee yaaddaa? Dhugumatti kuni dogongoraâ€• jedhaniin.

Gareen daldaltootaa obboleeyyan Yuusuf keessa jiran Misir irraa gara Filisxeem deemu itti fufanii jiru. Yommuu gara biyya isaaniitti dhiyaatan ilmaan Yaâ€™™quub isaan keessaa nama abbaa isaanii jiraachu Yuusufitiin gammachiisu fi shaamizi isaa fuula isaa irratti darbu ni ergan:

فَلَمَّا أَن جَاءَ الْبَشِيرُ أَلْقَاهُ عَلَى وَجْهِهِ، فَارْتَدَّ بَصِيرًا قَالَ أَلَمْ أَقُلْ
لَكُمْ إِنِّي أَعْلَمُ مِنَ اللَّهِ مَا لَا تَعْلَمُونَ ﴿٩٦﴾

Yommuu gammachiisaan dhufu, [shaamizi] fuula isaa irratti darbe, argaa taâ€™™ee deebiâ€™™e. Ni jedhes, â€œWanta isin Rabbiin irraa hin beekne ani nan beeka isiniin hin jennee?â€• [Suuratu Yuusuf 12:96]

Kana jechuun yommuu namni oduu gammachiisaan Yaâ€™™quubin gammachiisu dhufee fuula isaa irratti shaamizi darbu, argituun isaa ni deebiteef. Yaâ€™™quubis sirritti kan arguu taâ€™™ee haala isaa duraanitti deebiâ€™™e. Gammachuudhaan ni haguuggame. Ergasii ilmaan isaatii fi namoota naannawa isaa jiraniin akkana jedhe: **“Wanta isin Rabbiin irraa hin beekne ani nan beeka isiniin hin jennee?”**•

Duratti ilmaan isaa akkana isaan jedhanii turan: **“Rabbiitti kakannee! Hanga garmalee dhukkubsatte duâ€™™atti dhiyaatutti yookiin warra duâ€™™an keessaa tokko taatutti Yuusufin yaadachu hin dhiistu.”**• [Suuratu Yuusuf 12:85]

Innis akkana jechuun deebii itti deebise ture, **“Yaaddoo fi gadda kiyya Rabbiin qofatti himadha. Wanta isin Rabbiin irraa hin beekne ani nan beeka.”**• (Suuratu Yuusuf 12:86)

Wanti isaan hin beekne kuni Yuusuf lubbuun jiraachudha. Garuu Yaâ€™™quub (aleyh salaam) Yuusuf lubbuun akka jiruu fi isaan wal-qunnamu ni beekaa ture. Beekumsi kuni Rabbiin irraa isaaf dhufe. Haa taâ€™™uu malee, waan Yuusufin addaan baheef garmalee gaddaa ture. Sababni isaas, Rabbiin jaalala Yuusufitii fi qalbiin garmalee isatti rarraâ€™™uun isa qore.

Ilmaan isaa yommuu dhugaan ifa bahuu argan, abbaan isaanii akka Rabbiin irraa araarama isaaniif kadhatu ni gaafatan:


 قَالُوا يَا أَبَانَا اسْتَغْفِرْ لَنَا ذُنُوبَنَا إِنَّا كُنَّا خَاطِئِينَ

Isaan ni jedhan, “Yaa abbaa keenya! Cubbuu keenyaaf araarama nuuf kadhaddhu, dhugumatti nuti dogongortoota taane jirra.”• [Suuratu Yuusuf 12:97]

Kana jechuun ilmaan Yaâ€™™quub akkana jedhan: Yaa abbaa keenya! Gooftaan kee akka badii keenya irra nuuf darbu fi dhoksuu kadhaddhu. Dhugumatti nuti wanta Yuusufi fi obboleessa isaatti hojjanneef dogongora guddaa raawwannee jirra.[\[2\]](#)

Kana dura Yuusuf akka isaaniif dhiifama godhu kadhatanii turan. Isaan dhugaadhaan tawbatanii jiru. Yeroo hundaa tarkaanfin jalqabaa tawbaa; yakka (badii) ofii amanuudha. Namni dogongora akka raawwate yoo hin amaniin tawbachuu hin dandaâ€™™u. Kanaafi, Nabiyyiin (Sallallahu aleyh wassallam) akkana jedhan: **“Gaabbiin tawbadha.”**• Sunan Ibn Maajah 4252[\[3\]](#)


 قَالَ سَوْفَ أَسْتَغْفِرُ لَكُمْ رَبِّي إِنَّهُ هُوَ الْغَفُورُ الرَّحِيمُ

Innis ni jedhe, “Gara fuunduraatti Gooftaa kiyya irraa araarama isiniif kadha. Dhugumatti Inni akkaan araaramaa, rahmata godhaadha.”• [Suuratu Yuusuf 12:98]

Yaâ€™™quub ilmaan isaatiif Rabbiin irraa araarama akka kadhatu isaaniin wali-galee, garuu jecha “gara fuunduraatti” jedhu fayyadamuun isaa “battaluma sanitti” akka hin taane agarsiisa. Yaâ€™™quub ilmaan isaa tawbataniif Rabbiin irraa araarama kadhachuu maaliif tursiisee? Hayyoonni Muslimaa

baayâ€™een akka jedhanitti Yaâ€™quub hanga xumura halkanii tokko sadaffaatti (hanga gara saâ€™aati sagaliitti) duâ€™aayi tursiisu barbaade. Saâ€™aatin kuni saâ€™aati salaata leyli (halkanii) itti salaatu fi duâ€™aayin itti qeebalamtuudha.

Islaama keessatti sadarkaan xumuraa nama tokkoo akkamitti jireenya akka jalqabe osoo hin taâ€™in akkamitti jireenya isaa akka xumure irratti hundaaâ€™a. Ni jedhama: Al-amalu bilkhawaatimi (Hojiin xumuraan madaallama). Kanaafi, khaatimaa (xumura) gaarii irratti akka duunuf kadhanna. Obboleeyyan Yuusuf dogongoruun jireenya isaanii haa jalqabanii malee jireenya isaanii haala gaariin xumuruuf dhiyaatanii jiru. Amanti keenya keessatti yaad-rimeen hojiin xumuraa sadarkaa namaa murteessu, nama garmalee badii hojjatufuyyu abdii guddaa qaba. Manni murti yeroo ammaa obboleeyyan Yuusuf daaâ€™ima ajjeesuuf yaali godhan jechuun himannaa irratti banaa ture. Garuu Rabbiin akka tawbatan carraa isaaniif kenne. Seenaan Yuusuf balbaloonni rahmata Rabbii babalâ€™oo akka taâ€™manii fi osoo hin tursiisin araarama kadhachuu akka qabnu nu yaadachiisa.^[4] Hanga machiin duâ€™aa isatti dhuftutti Rabbiin nama dhugaan tawbatee fi araarama Isa kadhate hundaaf ni araarama.

Guduunfaa:

âˆˆIimaanni cimaan wanta namoonni baayâ€™een hin beekne fi hin argine akka beekanii fi hubatan nama taasisa. Maatiin Yaâ€™quub Yuusuf akka duâ€™eetti ilaalu. Garuu Yaâ€™quub sababa ciminna iimaana isaatiin wanti Yuusuf yeroo ijoollummaa abjuun arge dhugaa Rabbiin irraa dhufe akka taâ€™me ni amane. Kanaafu, abjuun kuni mulâ€™achuuf Yuusuf lubbuun jiraachu akka qabu ni beeke. Haaluma kanaan, namoonni iimaana cimaa qaban, wanti Rabbiin beeksise, hanga fedhe yeroon haa dheeratu, gara fuunduraatti dhugaadhaan akka mulâ€™atu ykn argamu ni beeku. Kanaafi, abdii hin kutan. Wanta isaan irraa eeggamu ni hojjatu.

âˆˆUlaagaalee tawbaa dhugaa keessaa tokko dogongoraa ofii amanuu fi gaabbudha.

âˆˆYeroon hundarra bareedaan duâ€™aayi itti godhanii fi araarama itti kadhatan, halkan gara dhumaati (naannoo saâ€™aati sagaliitti).

âˆˆHojiin namaa jalqabaan osoo hin taâ€™in xumuraan madaallama. Rabbiin khaatimaa keenya haa tolchu.

^[1] Maâ€™aariju Tafakkur-10/732-733^[2] Tafsiir Muyassar^[3] Lessons from Suurah Yuusuf-Yaasir Qaadi-fuula 149 ^[4] Lessons from Suurah Yuusuf-Yaasir Qaadi-fuula 149-150

Date Created

March 13, 2022

Author

admin